

中國方志叢書·華南地方·第一二八號

據

清·舒啓修·吳光昇纂
清乾隆二十九年原修
光緒二十一年重刊本

影印

廣西省

馬平縣志

(全)

成文出版社有限公司印行



10095889

中華民國五十九年十一月壹一版

馬平縣志

全一冊

發行人：**黃成助**

出版者：**成文出版社有限公司**
台北郵政信箱二二六〇五號

台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

光緒二十一年冬重鐫

馬平縣志

昔周官設縣正縣自萬戶以上
為令減萬戶以下為長所謂親
民之官是也馬平漢潭中地至
唐併樂沙崖山新平三邑為一
縣而縣乃大後代仍之視古萬
戶奚啻倍蓰况附郭龍城城廂

內外兵民襍處由江而南厥都
凡六徭獍居多今斯土者欲攷
其山川訪其風俗稽其田賦徭
役與官師人物舍志孰從而求
之壬午春余攝柳篆倡脩郡志
前令無能為役嗣奉

制兩憲以地當衝要非擅精明
撫強幹之才者不堪其任于是調
潯陽令舒侯來尹茲邑甫下車
撥繁彌簡理劇無滯向聞綽有
能聲今果然矣暇時來謁余曰
諸紳士聞公興舉廢墜咸歎然

樂從且欲于纂輯郡志之餘兼
脩縣志刊刻成書以備一邑掌
故敢請余曰固吾志也微侯言
余豈忘之侯乃徵文覈獻詢及
芻蕘已匪朝夕又得龔潭筆削
謹嚴勿猥勿併志藁既就遂出

以示余并徵序并諸簡端余惟
紳士者民之望也令長者紳士
之表也紳士居鄉而無善行則
望不尊民皆得而賤之矣令長
居官而無循聲則表不正紳士
皆將狎而慢之矣今侯涖任未

幾一旦意諭色授而邑中華簪
秀髦輒奔走趨事之不遑諒必
有以深愜乎諸紳士之願者以
此知侯非百里才當不止于萬
戶侯而已也余既重侯請而又
嘉諸紳士克襄斯舉故不辭而

為之序


乾隆二十九年甲申仲春既望

賜進士出身翰林院編脩

誥封中憲大夫分巡右江觀察使者

析津王錦譔并書





馬平縣志序

邑之顯晦係乎志志之廢舉存乎人
志存雖藁尔彈丸僻且狹矣而載籍
輝煌山川風土之所在政治文章之
所陳官師人物姓氏之章章可考令
人覽其志殷然想見此中之大有人
焉秦之武功小邑也其縣志得康對

山先生為之僅一帙耳而徵文考獻
朗若曰星名賢手筆世咸欲得而讀
之余曩守扶風倣其意作鳳翔志略
一書繼而補柳州謁

觀察使王公適 公倡修郡志囑余
為序余不揣謏劣竊幸躬逢其盛既
嘗為其序矣未幾馬平宰舒君亦以

縣志告成問序於余余惟馬平一邑
嶺表之名區也其間山明水秀景物
暄妍自有唐柳子厚開此邦之文教
代有偉人明季甲第尤盛如張鶴樓
之氣節文章卓卓可表宜乎載籍詳
明乃志缺有間百年如茲矣憶余初
下車披閱縣志鈔本僅寥寥數頁簡

略太甚余固嘗疑之疑夫馬邑之志
不應若是曾幾何時而縣志燦然一
新廢者脩缺者補山川增其景象文
明發其光華向之因陋守殘今則卓
然改觀微舒君之才不及此矣夫美
不自美因人而彰武功也不遇對山
安能表其縣志哉然則馬邑之志廢

而復舉存乎舒君馬邑之顯係乎志
係乎時尤係乎此邦之彥也人文蔚
起繼武鶴樓余將拭目以俟之
乾隆二十九年歲次甲申季春既望
中憲大夫知柳州府事加三級紀錄
二次河東承菴劉組曾謹序

